

Constantinople Treachery

٢٩ أيار ذكرى اليمّة للعالم المسيحي بسقوط القسطنطينية بحوزة المسلمين... وكثّار من الأصدقاء كانوا مقهورين ع يلي صار... بس روقوا شوي! هلق ما حدا يعيّرنني ع يلي بدي قوله، ما إلكن غير تقروا كتاباتي من سنين ل يلي ما بيعرفوني، ولكن يا جماعة، بال ١٤٥٣، وقف الغرب عميتفّرج.

بال ١٤٦٢، ١٧ حزيران، كاد فلاد الروماني (الملقب بدراكولا)، يلي نشأ هو وخيو بالبلاط العثماني كرهائن، يغتال فاتح القسطنطينية محمد الثاني يلي نجي ع شعرا، ومن بعدها قام ملك بلغاريا كورفينوس بحبس فلاد من ١٤٦٢ لل ١٤٧٥. خيو لفلاد كان أسلم وبخدمة محمد الثاني. ومارا برانكوفيتش بنت ملك صربيا كانت آخدي بيو لمحمد الثاني وصفت مستشارتو.

بال ١٧٨٢، صارت روسيا بالبحر الأسود وحضرت حالها كاترين الثانية تتهجم وتستعيد المدينة، وإذ الملك البريطاني جورج الثالث ببطلب من ابن عمتو (تاني درجة) غوستاف الثالث ملك السويد يفتح جبهة سان بطرسبورغ، ما حال دون تنفيذ الهجوم.

بال ١٨٥٦ وقفت بريطانيا وفرنسا مع المسلمين ومنعوا القيصر نقولا الاول يستعيد المدينة.

بال ١٨٧٨ وقفت بريطانيا ونمسا - هنغاريا مع المسلمين ومنعوا القيصر الاسكندر الثاني يستعيد المدينة.

بعد الحرب العالمية الاولى كمان ما عطيوها لليونان انما للأترك.

انتبهوا انا مني روم تواحد يقول III مشان هيك عميكتب.

واساساً قبل ما تسقط سنة ١٤٥٣، بال ١٢٠٤ فاتوا عليها الصليبيين، دمروها نهيوها حرقوها وأسسوا مطرح الامبراطورية البيزنطية الامبراطورية اللاتينية، لحد ما استجمع البيزنطيين قواهم ورجعوا استعادوا المدينة سنة ١٢٦١.

بس سياسياً كانت شبه منتهية وبقيت مثل الفار بوجه الاتراك شقت إمبراطورية فارطة،

واقتصادياً منهارة لحد سقوطها النهائي سنة ١٤٥٣، لدرجة انو بوقت كانوا هني (بالقسطنطينية) صاروا عميعملوا الأرجوان الملكي من بعد احتلال المسلم لبلاد كنعان / فينيقيا وقرطاج واختفاء صناعتو هونيك،

أنجأ كان بعد فين يصنعوه بعد ١٢٦١ وبلش الأحمر يصير اللون الملكي بأروبا، لاحظوا اسم لون ال Rouge - roi،

(وطبعاً صناعة الارجوان منعها نهائياً المسلمون سنة ١٤٥٣).

السؤال هو انو وين المشكل الاساسي، الاحتلال ام التآمر؟ وبلبنان كبرنا انو الحق عالفريق الثاني، ولكن وين المشكل الأكبر؟ انا ما عدت شايف للفريقين انو المشكل الاكبر هو الفريق الثاني انما هو حاله، وفي فمي ماء...

شو الحل ليكون احد أحزابنا عميشتغل لتطبيق الفدرالية او التقسيم؟ ما بعرف. انا عموصّف.